

ত্রিপুরা সরকার  
তথ্য ও সংস্কৃতি অধিকার

\*\*\*\*\*

স-৫১১১

কুমারঘাট, ৭ মার্চ, ২০২৪

**উনকোটি জেলার তপশিলি জাতি সম্প্রদায়ভুক্ত কৃতি ছাত্রছাত্রীদের ড. বি আর আশ্বেদকর মেমোরিয়াল মেধাবৃত্তি**

উনকোটি জেলার তপশিলি জাতি সম্প্রদায়ভুক্ত কৃতি ছাত্রছাত্রীদের আজ এক অনুষ্ঠানে ড. বি আর আশ্বেদকর মেমোরিয়াল মেধাবৃত্তি এবং প্রধানমন্ত্রী অনুসূচিত জাতি অভ্যুদয় যোজনায় বাদ্যযন্ত্র, পাম্পসেট ও আর্থিক অনুদান দেওয়া হয়। কুমারঘাট পঞ্চায়েত সমিতির হলে উনকোটি জেলা কল্যাণ কার্যালয়ের উদ্যোগে আয়োজিত এই অনুষ্ঠানের উদ্বোধন করেন উনকোটি জিলা পরিষদের সভাপতি অমলেন্দু দাস। অনুষ্ঠানে সভাপতি বলেন, তপশিলি জাতিভুক্ত ছাত্রছাত্রী সহ এই সম্প্রদায়ের মানুষকে এগিয়ে নিয়ে যেতে ও তাদের উৎসাহিত করতে এই জাতীয় অনুষ্ঠানের আয়োজন করা হচ্ছে। ভারত নানা ক্ষেত্রে বিশ্বে দ্রুত এগিয়ে যাচ্ছে। মহিলাদের স্বশক্তিকরণ, স্বাস্থ্য, কৃষি ব্যবস্থার উন্নয়নে সরকারের প্রকল্পগুলি এখন সঠিকভাবে রূপায়ণ হচ্ছে। তার সাথে রাজ্যে তপশিলি জাতি সম্প্রদায়ভুক্ত ছাত্রছাত্রীদের উচ্চশিক্ষা গ্রহণের ক্ষেত্রে আর্থিক দুর্বলতার জন্য যাতে পড়াশুনায় ব্যাঘাত না ঘটে তারজন্য অনেক নতুন প্রকল্প চালু করা হয়েছে। এই প্রকল্পগুলির সুবিধা নিয়ে ছাত্রছাত্রীরা যাতে উচ্চশিক্ষা নিতে পারে ও অন্যান্য প্রকল্পের মাধ্যমে যাতে তপশিলি জাতিভুক্তরা আর্থিকভাবে জীবনযাত্রার মানোন্নয়ন ঘটাতে পারে সেই লক্ষ্যে কাজ করছে রাজ্য সরকার।

অনুষ্ঠানে এছাড়া বক্তব্য রাখেন উনকোটি জিলা পরিষদের সদস্য শুভ্রেন্দু দাস, কুমারঘাট মহকুমার মহকুমা শাসক এন এস চাকমা। স্বাগত বক্তব্য রাখেন জেলা কল্যাণ আধিকারিক দীপঙ্কর দাস। অনুষ্ঠানে সভাপতিত্ব করেন কুমারঘাট পঞ্চায়েত সমিতির চেয়ারম্যান সুমতি দাস। এছাড়া উপস্থিত ছিলেন কুমারঘাট পুরপরিষদের এসসি সাব কমিটির চেয়ারম্যান কার্তিক দাস, কৈলাসহর এসসি সাব কমিটির চেয়ারম্যান শ্যামল দাস, জেলা শিক্ষা আধিকারিক প্রশান্ত কিলিকদার, গৌরনগর পঞ্চায়েত সমিতির চেয়ারম্যান নারন সিনহা, কুমারঘাট পঞ্চায়েত সমিতির ভাইস চেয়ারম্যান মিলন কান্তি দে প্রমুখ। অনুষ্ঠানে জেলার ৩৯৯ জন ছাত্রছাত্রীকে ড. বি আর আশ্বেদকর মেমোরিয়াল মেধাবৃত্তি প্রদান করা হয়। এছাড়া জেলার ২২টি দলকে বাদ্যযন্ত্র, ২৭ জন সুবিধাভোগীকে পাম্প সেট, ৩৩ জন সাফাই কর্মীকে ব্যবসার জন্য ১০ হাজার টাকা করে আর্থিক অনুদান ও ১২ জন চর্ম শিল্পীকে ১০ হাজার টাকা করে আর্থিক অনুদান দেওয়া হয়।

\*\*\*\*\*